

戰車

車

浙江圖書館  
ZHEJIANG LIBRARY

## 世界大戰史

(續)



吳欽泰


### 第三節 安爾若司——勞德林凱方面之戰況

#### 概說

〔法蘭西軍侵入安爾若司——勞德林凱之由來〕一九一四年八月。德意志軍早侵羅森堡之中立。次而開始侵入比利時。同時以一部隊超越法蘭西東部國境。虐殺法蘭西之守兵。示其事實上開戰之決意。其後德意志政府致宣戰之通牒於法蘭西。謂因法蘭西夙以飛行家入比利時。侵其中立。投下爆彈。故不得已而宣戰。其強將自國之罪。嫁於他國。德意志之奸譎惡辣之手段。真堪唾棄矣。

於是法蘭西四十餘年間國民鬱積之悲憤。爲之勃發。猛然執干戈而起焉。由開戰之初。法蘭西豫料德意志軍之侵入比利時。但侵入軍兵力之算定不充分。且自國毫無侵犯比利時中立之意。因而兵力之重點置於東部國境。先於敵軍向安爾若司——勞德林凱方面取攻勢。將俟全軍之集中終。巨全線而行其攻擊也。然於德意志軍之主力侵比利時之際。爲欲應之。乃企畫適宜移動其兵力之重點於北方。次而斷行其開戰劈頭國所熱望之安爾若司——勞德林凱之侵入。以雪一八七一年以來之宿怨。以固國民之團結。以當強大之外敵。

〔於安爾若司——勞德林凱法蘭西軍之活躍〕 屬於法蘭西第一軍之一部。於八月上旬。由培爾福爾。入上安爾若司。占領阿爾得基爾斐。次奪畝爾哈烏塞。但至八月九日。據畝爾哈烏塞西北設堡陣地之德意志軍。乃得增援而轉猛烈之逆襲。使侵入安爾若司之法蘭西軍全部不得已而撤退。



原件短缺

第 3 页—第 4 页

領阿爾得基爾斐。八日入畝爾哈烏塞城。總司令官徐富爾將軍乃對安爾若司州民發布宣言書如次。

茲告安爾若司同胞。

法蘭西臥薪嘗胆。已四十四年矣。今也將士再蹈君等尊重之國土。實爲此偉大之報復之先驅者。迎此勇敢之故國將士之土地。其感慨與榮誇。當無量也。

爲欲完成此報復。彼等乃出其生命作代價。法蘭西國民舉國一致。而送彼等於戰場。不見夫彼等記於旗幟之淒愴文字乎。曰「正義與自由」。安爾若司萬歲。法蘭西萬歲萬歲。

法蘭西總司令官徐富爾

〔法蘭西軍何故而入安爾若司〕 法蘭西軍於開戰之始。何故而於此方面配備多數之兵。而出攻勢乎。其惟四十四年間法蘭西國民悲憤鬱積。欲圖

一時之滿。有此政略的攻勢耳。勿論政略的意味。以徐富爾將軍之炯眼。其政略的攻勢之效果。決不見逃。而橫於政略之背後。且有甚深之戰略的意義也。

法蘭西於德意志有侵略中立國之意。固加以考慮。然德意志提如斯之大軍。旁若無人。而由北境進其主力。則未嘗斷定。大概以爲德意志兵家之持論。必強襲肉薄法蘭西東部國境。舉主力而突破此要塞地帶耳。加之法蘭西果豫料今回之事。亦無自先侵略中立國之意。蓋攻勢惟一之道。除交戰兩國之直接國土安爾若司——勞德林凱方面。無他處也。此爲法蘭西軍於安爾若司取攻勢之第一理由。

第二理由。則以近來德意志之間諜、蔽全地球之表面。殊以法蘭西爲德意志間諜之巢窟。於法蘭西軍事上之機密。大細不遺。盡被渡知於德意志。且最近反國家的社會主義之瀰漫。常使外寇而伴內亂。如一八七一年之例